



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

*Komunikadu Imprensa
Tribunál Distritál Oe-Cusse
29 Setembru 2015*

Tribunál Distritál Oe-Cusse adia kazu violénsia doméstika 5 no ofensa ba integridade fízika simples 1 tanba la-iha despaxu subtituisaun ba Ministériu Públiku

Iha 17 no 18 Setembru 2015, Tribunál Distritál Oe-Cusse adia prosesu kazu ofensa ba integridade fízika simples ho natureza violénsia doméstika 5 no ofensa ba integridade fízika simples 1 tanba prokurador ne'ebé kaer prosesu kazu hirak ne'e la hatun despaisu ba prokurador seluk wainhira nia auzensia.

Kazu hirak ne'e involve ofensa ba integridade fízika simples ho natureza violénsia doméstika 5 ho ida-idak nia número prosesu: 147/Crime/2015, 148/Crime/2015, 149/Crime/2015, 152/Crime/2015 no 154/Crime/2015. Entretantu ba kazu ofensa ba integridade fízika simples 1 seluk ne'ebé la'os krime violénsia doméstika rejista ho número prosesu: 153/Crime/2015.

Prokurador ne'ebé responsável ba kazu hirak ne'e so hatun despaxu ba prokurador seluk relaciona ho kazu urjenti sira deit. Tanba ne'e kazu 6 ne'ebé tribunál marka ona ajenda la konseje prosesa no tenki adia fali ba iha 22-23 Setembru 2015.

“JSMP fiar katak autór judisiáriu sira iha mekanismu propriu wainhira atu substitui kazu ruma maibé tenki tetu mós ba parte sira ne'ebé marka ona sira nia prezensa iha tribunál. Maske kazu hirak ne'e kazu simples maibé prezisa tau matan atu asegura julgamentu lalais no baratu,” dehan Luis de Oliveira Sampaio, Diretór Ezekutivu JSMP.

JSMP observa katak iha loron rua ne'e, parte sira hanesan arguidu, vítima no testemuña inklui defeza marka sira nia prezensa iha tribunál.

Julgamentu adiamentu ne'e prezide hosi Dr. João Ribeiro no arguidu sira hetan akompañamentu hosi Dr. Calisto Tout hosi Defensoria Públiku.

Komunikadu Imprensa ida ne'e bele imprimi tanba ho apoiu jenerozu hosi povu Amerikanu liuhosi Ajensia Estados Unidos ba Dezenvolvimentu Internasionál (USAID) bazeia ba Akordu Kooperasaun ho Número AID-486-A-13-00007 ba programa Ba Distrito iha Timor-Leste, ne'ebe nia implementasaun lidera husi Ajensia Counterpart International ho nia parseiru sira. JSMP mak responsabiliza tomak ba konteudu no hanoin iha kommunikadu impresna ida ne'e nia laran no la nesesariamente refléta USAID ka Governu Estados Unidos Amerikanu nia opiniaun”.

Atu hetan tan informasaun, favór ida kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org